

## NLB 469 Ik bin een engel van de Heer

The image shows a musical score for the hymn 'Ik bin een engel van de Heer'. It consists of four staves of music in G major (one sharp) and 3/4 time. The lyrics are written below the notes. The first staff begins with a '1' indicating the first verse.

1 'Ik bin een en - gel van de Heer,  
kom oet de he - mel naor um - deel  
en breng een nei en mooi ver - haol  
dat ik ver - tel in mèen - sen - taol.

1. 'Ik bin een engel van de Heer,  
kom oet de hemel naor umdeel  
en breng een nei en mooi verhaol  
dat ik vertel in mèensentaol.
2. 't Is van een mamme die vannacht  
een poppie kreeg en dankbaar lacht.  
't Is van een poppien, lief en teer  
je kammeraodtien altied wèer.
3. De Here Jezus is dat kind  
die alman helpt die bij Hum bint,  
de Heiland die je kommer kent  
en alles waor aj bang veur bint.
4. Hij die je van je schuld bevrijdt  
gef je geluk en zaligheid,  
da'j in de hemel elke dag  
met oes, de engels, wonen mag.
5. Let goed op wak je zeggen zal,  
dan vin ie vast dat poppien wal:  
't lig in een voorbak in een stal.  
Toch is Hij keuning van 't hielal.'
6. Laot oes met blied' en goeie zin  
op zuuk gaon naor dat hemels kind,  
met 'd schepers met hen binnen gaon.  
moei kieken wat God hier non hef daon.
7. Maar kiek niet met je oog allend  
dat al zo vaak een mèensch miskent.  
Allen wel luustert altied wèer  
die zõt Gods zeun, de lieve Heer.
8. Wees welkom bij oes hoge gast,  
die arme zundaors niet veracht.  
Do zöchts mij op in duustre nacht.  
Hoe wordt Dij ooit mien daank anbracht.
9. O Heer die alles goed hef maakt ,  
hoe komp Do toch zo arm en naakt  
dats Do in lappen liggen mös  
in 't heui dat os en ezel lust.
10. Al zul de wiede wèrld, Hèer,  
tien maol zo groot of honderd keer,  
van gold of diamanten wèden....  
nog was ze as wieg veur Dij te klein.

11. Maor roege lappen, simpel heui,  
dat is dien keuninklijk verheul,  
dat is de ziede en de sier  
waorin, Do, vorst, Dij vinden lat hier.
12. Zo maks Do klaor dien wieze plan  
waor ik mien les oet lèren kan,  
dat 's wèrelde macht en wat hoog stiet  
veur Dij maor heui is dat vergiet.
13. O poppie Jezus, zuut en lief,  
mak ok in mij een nei verblief  
en blief bij mij in lief en leed,  
zodat ik, Heer, Dij nooit vergeet.
14. Dan bin ik bliede en heb rust  
en zing en spring naor hartelust.  
Mien wiegelièd kreg diepe klaank:  
een psalm van bliedschup, lof en daank.
15. Ere an God! Hij stuurt zien Zeun.  
De engels zingt een wondre deun.  
Zo wèenst zij oes non altesaam  
een goed neijaor in Jezus' naam.

oospr. tekst: M. Luther  
vertaoling: J. Wit  
melodie: Ein Kinderlied auf die Weihnacht  
umzet deur: W. Alblas  
bron: LvdK 133